

1619_243.jpg

Histoire de nostre temps.

24.


manda deux iours de delay, mais la nuit mesmes il abandonna ceste place, scituée sur vn rocher, où le Côte de Buquoy entra le lendemain, & y mit vne forte garnison. On a escrit que dans ce Chasteau, il auoit esté butiné par les Imperiaux la valeur de trois cents mille florins, pour ce que de tous les enuironz chacun y auoit retiré ses facultez comme en lieu de seur retraits.

Ce mesme iour les Hongres allerent forcer les ville & chasteau de Rosemberg, qu'ils pillerent entierement, & firent perdre la vie à vne centaine d'Euangeliques. Bref tant en ces trois prises de Notolis, Trosbourg, & Rosemberg, qu'à l'enleuement du quartier du Comte de Mansfeldt, on a escrit que les Imperiaux auoient butiné la valeur de deux millions de liures. Outre les villes de Verna, Teints, Lamisch, Budna, & le Chasteau de Graetsn, qui se sont remis sous l'obeyssance du Roy Ferdinand; tellement que Budovits, & Crumelay, places où le Comte de Buquoy estoit tenu comme assiéger par les Euangeliques, ont maintenant de l'estenduë, plus qu'ils n'auoient: les Imperiaux ayans vne puissante armee tenans la campagne iusques aupres de Prague où les Hôgres ont esté à trois lieuës pres,


Les Euangeliques pour se maintenir, ont deputé vers tous les Estats Protestans voisins, sçauoir, Autriche, Moraue, Silesie, & Allemagne. On a escrit que ies Princes Protestans vnis Allemans leur ont promis secours. On verra à la suite de ceste annee ce qui en aduendrá, & ce qui se passera.

Q. ij

1619_244.jpg



1619_245.jpg



Histoire de nostre temps.

245

me celuy cy-dessus.

Après venoient plusieurs bannieres, où en chacune d'icelles estoient les armes de ladicte feuë Royne, qui sont celles de Dannemarch. Et premierement vne banniere aux armes d'une Croix d'or en champ d'azur. Vingt-huict rangs de Gentils-hommes de trois à trois. Deux autres trompettes & deux Herauts comme cy-dessus. Vne banniere aux armes d'un Cygne en champ de gueulle, & un Cheual en champ d'Azur. Soixante & dix rangs de Gentils-hommes de trois à trois. Après deux autres Trompettes & un Herault. Vne banniere aux armes d'un dragon en champ de gueulle. Quarante cinq Gentils-hommes en quinze rangs de trois à trois.

Après suiuoient trois Trompettes & un Herault. Vne banniere aux armes d'or semé de cœurs de gueulle à un leopard de synople. Vingt rangs de Gentils-hommes de trois à trois. Quarante Musiciens trois à trois, reueſtus de ſurpelis & belles chappes à la Romaine, ſans bonnet carré, & douze enfans de chœur reueſtus de ſurpelis, chantans ſelon la Rel. d'Angleterre. Un Herault, apres lequel marchotent quatre vingts quatre Docteurs, & Medecins trois à trois. Apres estoient trois trôpettes & un Herault veſtus de meſmes les cy deſſus. Vne banniere à trois Couronnes d'or en champ d'azur. Soixante des Principaux Officiers & ſerviteurs de la Royne deux à deux. Quatre trompettes & un Herault. Vne banniere aux armes d'un Lion

QQ iij

1619_246.jpg




Image issue du site mercurefrancois.ehess.fr - Cliché (c) Cécile Soudan